

**Govor predsjedavajućeg Predstavničkog doma Parlamentarne skupštine BiH
Martina Raguža na redovnom zasjedanju Parlamentarne skupštine Vijeća Evrope
u okviru debate o Bosni i Hercegovini**

Strazbur, 23. juni 2004.

"Gospodine predsjedatelju, dame i gospodo,

Danas su pred nama dva značajna dokumenta vezana za Bosnu i Hercegovinu: "Nacrt Izvješća komiteta za nadzor poštivanja dužnosti i obveza država članica Vijeća Europe" i "Nacrt rezolucije - Jačanje demokratskih institucija u BiH".

Dvije godine nakon prijema BiH u VE pravo je vrijeme za analizu stanja u BiH i procjenu njene perspektive. Izvanredan napor je učinjen od strane koizvjestitelja da se pripremi Izvješće. Autori su temeljito analizirali sva pitanja vezana za ispunjavanje postprijemnih obveza te postavili kvalitetan okvir za drugi dokumenat "Evolucija i budući razvoj demokratskih institucija u BiH".

Izvješće polazi od toga da u BiH postoji napredak u izgradnji demokratskog društva u BiH. Ovdje bi mogao navesti i neke dvojbene ocjene u Izvješću koje se tiču nekih važnih područja: reforma obrazovanja, povratak izbjeglica i raseljenih osoba, statut grada Mostara, Brčko distrikt kao i najvažnije pitanje institucionalne kompleksnosti Daytonskog mirovnog sporazuma.

Moja ambicija nije polemizirati sa pojedinim djelovima Izvješća. U pripremnoj fazi dao sam komentare. Ovdje zelim govoriti o suštini. Suština je da BiH još nema funkcionalnu i samoodrživu i konzistentnu ustavnu strukturu. Strukturu koja će garantirati jasan i stabilan europski put BiH, te gospodarski i socijalni razvitak po mjeri njenih ljudi.

Bosni i Hercegovini je potreban konzistentan ustavni model koji će harmonizirati a ne konfrontirati njene potencijale i resurse kao i njene nacionalne, kulturne, religijske i druge raznolikosti.

Model koji ce osigurati ravnotežu između pojedinačnih i kolektivnih prava. Koji ce standardizirati individualna i kolektivna prava.

Moramo konstatirati da sada to nije slučaj. Prvenstvena odgovornost je na nama u BiH ali odgovornost ima i međunarodna administracija u BiH. Zato je dobro da Rezolucija Izvjestitelja g. Kirilova "Jačanje demokratskih institucija u BiH" otvara samu suštinu pitanja. To je poziv ključnim političkim snagama u BiH da se potpuno i konstruktivno uključe u raspravu o ustavnim reformama.

Dame i gospodo,

Vijeće Europe kao i do sada treba ohrabriti i pomoći ovaj ključni proces za Bosnu i Hercegovinu i njenu perspektivu.

Posebno je važno sto Rezolucija poziva međunarodnu zajednicu da osigura jednu koherentniju i konkretniju strategiju za prijenos ovlasti i odgovornosti na domaće institucije.

Prijenos ovlasti treba biti partnerski dogovoren između domaćih i međunarodnih institucija. Međunarodna zajednica treba aktivno pomoći raspravu o ustavnim reformama. Kvalitet ove rezolucije je što identificira nužnost ustavnih reformi, korake i modalitete i predviđa pomoć Vijeća Europe na tom putu. Hvala!"(kraj)